

## Váldde oktavuoda

Eat galgga dahkat morašteaddji ovddasvástádussan váldit oktavuoda. Eat mii dárbbas dadjat “Ringge munnje jus lea juoga, lean dáppe” danin go morašteaddji ii veaje leahkit dat gii váldá oktavuoda. Dalle lea buoret ahte mii dadjat “Ringgen dutnje disdaga fas, vástít jus nagodat”. Muhtumin eat oaččo mange lágan vástádusa ja lea buorre nu, morašteaddji ii álo nagot vástidit, muhto dalle mii sáhttit ringget, odđasit ja odđasit.



## Botke jaskatvuoda

Mángasat dovdet váttisin váldit oktavuoda lagamuččain gii morašta. Maid galgga dadjat? Jurddaš jus šaddá dušše jaskatvuoha dahje olmmoš álgá čierrut? Muhto ii leat dehálaš maid dadjat go mii fal botket jaskatvuoda. Ja muhtumin sms lea buoret čoavddus go ringgen daningo soaitá leat álkit sihke sáddet ja vástidit.



## Atte saji

Dávjá leat mánggas geat moraštit seammá olbmo oktanaga, gos buohkain lea leamaš oktavuoha ja historjá dainna gii lea jápmán. Lea dehálaš ahte mii diktit lagamus morašteaddji leahkit guovddázis ja eat álgge dovddahit min iežamet muittuid ja dovdduid. Mii fertet muitit diktit morašteaddji dovdduid, beroškeahhtá makkárat dat leat, leahkit guovddázis. Min jurdagat ja mitalusat nai leat diedusge dehálaččat – muhto eai dehálepmosat.




## Álggat

Lea buorre jus mii geat doarjut sáhttit leat dat geat evttohit áibbas árgabeivválaš doaimma. Evttot gáfestallat, geahččat filmma dahje dušše fitnat váccašeamen. Mángasat geat moraštit gáibidit bottu morrašis ja unnánaš dábálaš eallima. Dat gean mii bovdet soaitá biehttalit ja dat lea áibbas ortnegis, dehálaš lea ahte jearrat – ja duostat fas jearrat.



## Leage lahka

Mángasat mis ballet bahkkemis earáid ala ja dat dahká ahte eat váldde oktavuoda ollenge. Mii soaitit jurddašit ahte morašteaddji dárbbaha leahkit ráfis dahje ahte ferte vuordit veháš váldimis oktavuoda “dasságo bahámus lea meaddel”. Lea dehálaš ahte mii čielgasit čájehit ahte mii leat fáhtemis vai morašteaddji ii dovdda isolašuvnna, leat olgobealde dahje hilgojuvvon.



## Leage gierdavaš

Juohke morašteaddjis lea iežas morašproseassa, masa mis dárbbasa leahkit ipmárdus ja gierdavašvuoha. Ii galgga geahččalit “jeđdet eret” morraša dahje duššástuvvat jus dat bistá. Morrašis ii leat “maŋemus beaivemearri” iige dábálaš dahje eahpedábálaš guhkes áigi mii gollá morašteamái. Muhtin áššiid dárbbasa oktageardánit muittašit, mitalit ja geardduhit, dat soaitá leat dehálaš oassi morraša ipmirdeames ja dikšumis.

## Mii lea Vuosttaš veahkki morrašis?

Li oktage dárbbas lea okto morrašis. Danin lea girku čohkken jurdagiid ja konkrehta rávvagiid mat sáhttet leat veahkin midjiide go mii leat morašteaddji searvvis. Moraš bávččagahtta, muhto go dan juogada earáiguin de dat geahppu. Girkus leat hávjána deaivvadit olbmuiiguin geat leat morrašis ja leat sidjiide doarjjan. Dát rávvagat leat jurddašuvvon veahkin álgobáliid, go muhtin lea massán lagamučča.

Buohkat geat leat morrašis dovdet dan iešguđet ládje. Buot dat rávvagat eai heive buohkaide eai ge gávdno universála rávvagat. Danin soitet oallugat dovdat iežaset eahpesihkarin deaivdettiin earáid morrašiin. Norgga girku doaivu dáid rávvagiid leat ávkin ja ahte dat ráhkkanahhtet olbmuid, nu ahte ii oktage báze okto moraštit.

“Ale bala, mun lean duinna. Ale vilppo balus, mun lean du lpmil. Mun nanusmahtán ja veahkehan du, mun doarjjun ja gájun du olgeš giedainan.”

Jes 41,10

Rávvagat maid gávnnat dán gihppagis leat dušše moadde dan mángga áššis man mii lagamužžan sáhttit dahkat dasa gii morašta. Ale hejoš dan unnána, unna dagoš nai sáhtta oažžut stuora mearkkašumi. Jos háliidat eanet doarjaga dahje soapmása geainna sárdnut, leat buresboahhtin iežat searvegoddái, sáhtát maid geahččat [nettkirken.no](http://nettkirken.no). Lea maid vejolaš rohkadallat dahje gintala cahkkehit [neahttabáikkis.kirken.no/be](http://neahttabáikkis.kirken.no/be)

(Dán gihppaga lea Ruota girku, Svenska kyrkan, ráhkadan, ja dan lea jorgalan Girkoráđđi, Norgga girku. Stina Löfgren lea ráhkadan govaid.)



## Vuosttaš veahkki morrašis

Konkrehta rávvagat go  
deaivvadat muhtimiin gii lea  
morrašis.